



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. III. Capitel.

urn:nbn:de:hbz:466:1-34848

Das. III. Capitel.



Esus aber vol heiliges geysts kam

wider von dem Jordan / vnd wardt vom geyst in die wüsten geführt / vnd wardt vierzig tag lang versucht von dem teuffel / vñ er aß nichts in den selbigē tagen / vñ da die selbigen ein end hatten / hungerte in darnach. Der teuffel aber sprach zū jm / Bistu gottes sūn / so sprich zū dem stein / das er brot werde / vnd Jesus antwort vnd sprach zū jm / Es stett geschriben / Der mensch wirt nicht allein vom brot lebē / sonder von einem yeglichen wort gottes. Math. 4. 2

Vnd der teuffel führt in vff einen hohen berg / vnd weyset jm alle reich der gantzen welt / in einem augenblick / vnd sprach zū jm / Dise macht wil ich dir alle geben / vnd ire herligkeit / den sy ist mir übergeben / vnd ich gebe sie welchem ich wil / so du nun mich wilt anbetten / sol es alles dein sein / Jesus antwort jm vnd sprach / heb dich von mir du teuffel / Es stett geschriben / Du solt gott deinen herren anbetten / vnd jm allein dienen. Deut. 8. 5

Vnd führt in gen Hierusalem / vnd stellet in vff des tempels zynnen / vñ sprach zū jm / Bistu gottes sūn / so laß dich von himmen hinab / denn es stett geschriben / Er wirt befelen seinen engeln von dir / das sy dich bewaren vñ vff den henden tragen / vff das du nit etwan deinen fuß an ein stein stoßest / vnd Jesus antwort vnd sprach zū jm / Es ist gesagt / Du solt gott deinen herren nit versuchen / Vnd do der teuffel alle verführung vollendet hatte / weichet er von jm / ein zeit lang. Deut. 6. 2

Vnd Jesus kam wider in des geistes krafft in Galilean / vñ das gerücht erschall von jm / durch alle vmblygende ort / vnd er leret in iren schulen / vñ wardt von yederman gepreysset.

Vnd er kam gen Nazareth / da er erzogen war / vnd gieng in die schule / nach seiner gewonheit / am Sabbath / vnd stund vff vnd wolt lesen / Do ward jm das büch des propheten Isaias gereicht / vnd do er das büch umb warff fand er das ort / do geschriben stett / Der geist des herren vff mir / der halbē er mich gesalbet hatt / zū verkündigen das Euangelium den armen hatt er mich gesandt / zū heylen die zerknirschten hertzen / zū predigen den gefangnen die erledigung / vnd den blinden das gesicht / loß zū geben den zur schlagene in die erledigung / zū predigen dz angenehme jar des herren. Isa. 61. 1

Vnd als er das büch zū thet / gab ers dem diener / vnd sazt sich / vnd aller augen die in der schule waren / sahen vff in / vnd er fieng an zū sagen zū in / deutet ist dise schrift erfüllet in euweren oren / vnd sy gaben alle von im zeugnisse / vnd wunderten sich der holdtseligen wort / die vff seinem mund klingen / vnd sprachen / Ist das nicht Iosephs sūn?

Vnd er sprach zū in / ir werdet freilich zū mir sagen dis sprichwort / Arzt lehre dir selber / Den die grosse ding haben wir gehöret zū Capernaum gehen / Thū auch also bye in deinem vatter land / Er sprach aber / warlich sage euch / kein prophet ist angenenem seinem vatter land. Ioh. 4. 1

Aber in

Euangelion

^{3-Reg-17}
^{4-Reg-5}
E Aber in der warheit sag ich euch / Es warẽ vil witwen in Israel / zu Eli
aszeytten / da der hymel verschlossen war / drey jar vnd sechs monat / vnd
zu der keiner wardt Elias gesandt / den allein gen Sareptha der Sido
ner zu einer witwen / vnd vil vffszetige waren in Israel zu Eliseus zeytten
vnd der keiner wardt gereynigt den allein Neeman von Syrien.

Vnd sy wurden volzoms alle die in der schule waren / do sy das horeten
vnd stunden vff / vnd stießen in zur statt hinuf / vnd fürten in vff ein
gipffel desbergs / daruff ire statt gebawet war / das sy in hinab stürzten
Aber er gieng mitten durch sy hin / vñ kam gen Capernaum in die statt Ga
lilee / vnd leret sy an den Sabbathen / vnd sy verwunderten sich seiner le
re / denn sein rede war gewaltig.

^{Matth-4}
^{Marc-1}
S Vnd es ware ein mensch in der schule / besessen mit einem vnreinen teuf
fel / vnd der schrey laut vnd sprach / Halt / was haben wir mit dir zu schen
ken / Jesu von Nazareth / du bist kommen vns zu verderben / Ich weiß wo
du bist / nemlich / der heilige gottes / vnd Jesus bedrauwet in vnd sprach
verstumme vnd sar vff von im / vnd der teuffel warff in mitten vnder sy
vnd für vff von im / vñ er thet im keinen schaden / vñ es kam ein forcht über
sy alle vnd redten miteinander vnd sprachen / was ist das für ein ding / Er
gebeut mit macht vnd gewalt den vnreinen geisten / vnd sy saren vff / D
es erschall sein geschrey in alle ortte des vmblicheren landes.

^{Matth-8}
^{Marc-1}
Vnd er stund vff vff der schulen / vñ kam in Simonis huf / vnd Simon
is schwiger war mit einem harten fieber behafft / vnd sy batten in für sy
vnd er trat zu ir / vnd gebott dem fieber / vnd es verlief sy / vnd bald stund
sy vff / vnd dienete in.

⁶
Vnd do die Sonne vndergangen war / alle die do mancherley krank
hatten / brachten sy zu im / vnd er legt vff einen yeglichen die hende / vnd
machet sy gesundt / Es füren auch die teuffel vff von vilen / schreyen vnd
sprachẽ / du bist Christus / der sün gottes / vnd er bedrauwet sy / vnd liep
nicht reden / den sy wüsten / das er Christus war.

Da es aber tag wardt / gieng er hinuf an ein wüfte statt / vnd das volck
süchte in / vnd kamen zu im / vnd hielten in vff / das er nit von in gieng / Er
sprach aber zu inen / ich in is auch anderen stetten das Euangelium predi
gen vom reich gottes / denn darzu bin ich gesandt / vnd er prediget in den
schulen Galilee.

Das. V. Capitel.

¹
E Begab sich aber da in das volck über
Galil / zu hören das wort gottes / vnd er stund am see der statt Gen
sareth / vnd sahe zwey schiff am see steen / die fischer aber waren
vffgetretten / vnd wüschten ire netz / trat er in der schiff eins / welchs war
Simonis / vnd bat in / das ers ein wenig vom land füret / vnd er satz sich
vnd leret das volck vff dem schiff.

²
Vnd als er hatt vffgehört zu reden / sprach er zu Petro / saren vff die h
he / vnd